



官常典第三百八十一卷

京兆部彙考

漢

漢京師置內史後更京兆尹置左馮翊右扶風以佐之 按漢書百官扶風治內史右地屬官有掌治京師景帝二年分置左內史右內史武帝太初元年更名京兆尹屬三輔皆有兩丞列侯更屬大水鐵官兩長丞左內史更名左馮翊屬官有廩犧令丞尉又左都水鐵官雲壘長安四市四長丞皆屬焉 注 師古曰地理志云武帝建元六年置左右內史而此表云景帝二年分置表志不同又據史記知志誤矣京大也兆者衆數言大衆所在故云京兆也張晏曰馮輔也翊佐也師古曰廩主藏穀犧主養牲皆所以供祭祀也

主爵中尉秦官掌列侯景帝中六年更名都尉武帝太初元年更名右扶風治內史右地屬官有掌畜令丞又有都水鐵官廩廩尉四長丞皆屬焉與左馮翊京兆尹是爲三輔皆有兩丞列侯更屬大鴻臚元鼎四年更置三輔都尉都尉丞各一人自太子太傅至右扶風皆秩二千石丞六百石

注 張晏曰扶風也風化也如淳曰尹翁歸傳曰豪強有論罪輸掌畜官使斫莖東方朔曰益爲右扶風畜牧之所在也如淳曰五時在廳故有廚師古曰三輔黃圖云京兆在尙冠前街東入故中尉府馮翊在太上皇廟西入右扶風在夕陽街北入故主爵府長安以東爲京兆長陵以北爲左馮翊渭城以西爲右扶風也

### 後漢

後漢河南郡置尹及左馮翊右扶風而長安三輔仍舊制 按後漢書百官志河南尹一人主京都特奉朝請其京兆尹左馮翊右扶風三人漢初都長安皆秩中二千石謂之三輔中興都雒陽更以河南郡爲尹以三輔陵廟所在不改其號但減其秩其餘弘農河內河東三郡其置尹馮翊扶風及太守丞奉之

### 晉

晉承漢制河南郡置尹其屬員與郡同 按晉書百官志郡皆置太守河南郡京師所在則曰尹諸王國以內史掌太守之任又置主簿主記室門下賊曹議生門下史記室史錄事史書佐循行幹小

史五官掾功曹史功曹書佐循行小史五官掾等員郡國戶不滿五千者置吏職五十人散吏十三人五千戶以上則職吏六十三人散吏二十一人萬戶以上職吏六十九人散吏三十九人郡國皆置文學掾一人

宋

宋置丹楊尹如晉制

按宋書州郡志丹楊尹秦障郡治今吳興之故鄣縣漢初屬吳國吳王濞反

敗屬江都國武帝元封二年爲丹楊郡治今宣城之宛陵縣晉武帝太康二年分丹陽爲宣城郡治宛陵而丹楊移治建業元帝太興元年改爲尹領縣八戶四萬一千一十口二十三萬七千三百四十一

建康令本秣陵縣漢獻帝建安十六年置縣孫權改秣陵爲建業晉武帝平吳還爲秣太

陵康三年分秣陵之水北爲建業愍帝卽位避帝諱改爲建康

秣陵令其地本名金陵秦始皇

改本治去京邑六十里今故治卽是也晉安帝義熙九年移治京邑在鬪場恭帝元熙元年省揚州府禁防叅軍縣移治其處

丹楊令漢舊縣

江寧令晉武帝太康元年分秣陵立臨江縣二

年更名

永世令吳分溧陽爲永平縣晉武帝太康元年更名惠帝世度屬義興尋復舊義興又

古今圖書集成  
有平陵縣董覽吳地誌云晉分永世太康永寧地誌並無疑是江左立文帝元嘉九年以併永世溧陽二縣 溧陽令漢舊縣吳省爲屯田晉武帝太康元年復立 湖熟令漢舊縣吳省爲典農

都尉晉武帝太康元年復立 句容令漢舊縣

### 南齊

南齊於丹陽置尹 按南齊書百官志丹陽尹位次九卿下

### 陳

陳承梁丹陽郡置尹丞 按隋書百官志陳承梁皆循其制官其所制品秩丹陽尹秩中二千石品第五丹陽丞六百石品第七

### 北魏

太武帝延和元年三月改代尹爲萬年尹代令爲萬年令後復 按魏書世祖本紀不載 按官氏志云云

孝文帝太和 年詔議制官定司州刺史諸官階品 按魏書高祖本紀不載 按官氏志自太

祖至高祖初其內外百官屢有減置或事出當時不爲常目舊令亡失無所依據太和中高祖詔羣僚議定百官著於令司州刺史第二品中司州功曹都官從第四品中司州主簿第五品中司州司事司州從事第六品上司州錄事第七品上司州本曹從第七品上

太和十九年改洛州爲司州司州置河南尹按地理通釋孝文太和十九年遷洛州以平城之司州爲恆州洛州置司州河南尹

太和二十三年復次職令定司州牧河南尹等官階品按魏書高祖本紀不載按官氏志二十三年高祖復次職令及帝崩世祖初班行之以爲永制司州牧從第二品河南尹第三品階司州別駕從事史從第四品上階司州治中從事史從第四品洛陽令從第五品河南郡丞第六品司州主簿從第七品司州西曹書佐第八品上階司州祭酒從事第八品司州議曹從事史從第八品上階司州文學從第八品

### 北齊

北齊司州置牧清都郡置尹各帥其屬按隋書百官志司州置牧屬官有別駕從事史治中從事



史州都主簿西曹書佐記室戶曹功曹金曹租曹兵曹騎曹都官法曹部郡等從事員又領西東市署令丞及統清都郡諸畿郡

注

主簿置史西曹已下各置掾史

清都郡置尹丞中正功曹主簿督郵五官門下督錄事主記議生及功曹記室戶田金租兵騎賊法等曹掾中部掾等員

### 北周

北周雍州置牧京兆置尹 按周書盧辯傳雍州牧正九命京兆尹八命

### 隋

隋雍州置牧京兆郡置尹各帥其屬 按隋書百官志雍州置牧屬官有別駕贊務州都郡正主簿錄事西曹書佐金戶兵法士等曹從事部郡從事武猛從事等員並佐史合五百二十四人

京兆郡置尹丞正功曹主簿金戶兵法士等曹佐等員並佐史合二百四十四人 雍州牧爲從二

品京兆尹爲正三品雍州別駕爲從四品京兆郡丞爲從五品又有流內視品十四等雍州薩保爲視從七品雍州州都主簿爲視正八品雍州西曹書佐諸曹從事京兆郡正功曹爲視從八品京兆

郡主簿雍州部郡從事爲視正九品雍州武猛從事爲視從九品

唐

唐制京兆府置長史後改尹而少尹貳之統叅軍功曹之屬按唐書百官志西都東都北都牧各一人從二品西都東都北都鳳翔成都河中江陵興元興德府尹各一人從三品掌宣德化歲巡屬縣觀風俗錄囚恤鰥寡親王典州則歲以上佐巡縣

注

武德元年雍州置牧一人以親王爲之然

常以別駕領州事永徽中改尹曰長史開元元年改京兆河南府長史復爲尹通判府務牧缺則行其事十一年太原府亦置尹及少尹以尹爲留守少尹爲副留守謂之三都留守三都大都督府有典獄十八人問事十二人白直一十四人典獄以防守囚繫問事以行罰中府上州典獄十四人問事八人白直二十人下府中州典獄十二人問事六人白直十六人下州典獄八人問事四人白直十六人自三都以下皆有執刀十五人

少尹二人從四品下掌貳府州之事歲終則更次入計司錄叅軍事二人正七品上錄事四人從九品上功曹倉曹戶曹田曹兵曹法曹士曹叅軍事各二人皆正七品下叅軍事六人正八品下六府



錄事叅軍事以下減一人錄事叅軍事掌正違失莅符印

注

武德初改州主簿曰錄事叅軍事開

元元年改曰司錄有史十大都督府有史四人中府有史三人下府都護府上州中州下州有

史二人

功曹司功叅軍事掌考課假使祭祀禮樂學校表疏書啟祿食祥異醫藥卜筮陳設喪葬

注

武德

初司功司倉司戶司兵司法司士書佐皆爲司功等叅軍事有府四人史十大都督有府三人

史六人中府有府二人史三人下府有府一人史三人大都護府有府一人史二人上府有府史

各二人上州有佐二人史五人中州減史二人

倉曹司倉叅軍事掌租調公廩庖廚倉庫市肆

注

有府五人史十三人大都督府有府四人史六

人中府下府各有府三人史五人都護府有府史各二人上州有佐二人史五人中州下州減史

二人

戶曹司戶叅軍事掌戶籍計帳道路過所蠲符雜徭逋負良賤芻蕘逆旅昏姻田訟旌別孝弟

注

有府八人史十六人帳史二人知籍按帳目捉錢大都督府有府四人史七人帳史二人中府

有府三人史五人帳史一人下府有府二人史五人帳史一人上州有佐四人史六人帳史一人  
中州有佐三人史五人帳史一人下州有佐一人史四人帳史一人都護府有府史各二人帳史  
一人

田曹司田叅軍事掌園宅口分永業及蔭田

注

景龍三年初置司田叅軍事唐隆九年省上元二

年復置有府四人史十人大都督府有府二人史六人中府有府史各二人下府有府一人史二  
人上州有佐二人史五人中州下州減史二人

兵曹司兵叅軍事掌武官選兵甲器仗門禁管鑰軍防烽候傳驛畋獵

注

有府六人史十四人大

都督有府四人史八人中府有府三人史六人下府有府二人史五人都護府有府三人史四人  
上州有佐二人史五人中州減史二人

法曹司法叅軍事掌鞠獄麗法督盜賊知贓賄沒入

注

有府六人史十四人大都督有府三人史

八人中府有府二人史六人下府有府二人史五人上州有佐四人史七人中州有佐一人史四  
人下州有佐一人史三人

士曹司士叅軍事掌津梁舟車舍宅工藝

注

有府五人史十一人大都督府有府四人史八人中

府下府有府三人史六人上州有佐二人史五人中州有佐一人史四人

叅軍事掌出使贊導

注

武德初改行書佐曰行叅軍事尋又改曰叅軍事初有亟使十五人後省

文學一人從八品上掌以五經授諸生縣則州補州則授於吏部然無職事衣冠恥之

注

武德初

置經學博士助教學生德宗卽位改博士曰文學元和六年廢中州下州文學京兆等三府助教

二人學生八十人大都督府上州各助教一人中都督府學生五十人下府下州各四十人

醫學博士一人從九品上掌療民疾

注

貞觀三年置醫學有醫藥博士及學生開元元年改醫藥

博士爲醫學博士諸州置助教寫本草百一集驗方藏之未幾醫學博士學生皆省僻州少醫藥

者如故二十七年復置醫學生掌州境巡療永泰元年復置醫學博士三都都督府上州中州各

有助教一人三都學生二十人都督府上州二十人中州下州十人

遼

遼以上京爲京師置尹少尹等員又置留守行府尹事按遼史百官志上京留守行臨潢府尹事

聖宗紹和元年見上京留守行臨潢尹事吳王稍

臨潢府少尹聖宗太平四年見臨潢少尹鄭

弘節

按遼史營衛志國俗秋冬遶塞春夏避暑人主居則有幹魯朵行則有捺鉢雖建五都實無常所也太祖起自朔方後徙皇都故勳以上京爲遼都餘都則入留都焉

宋

宋制開封尹不常置以知府掌京畿之事其屬有判官推官等員及都臨安亦如之按宋史職官

志開封府牧尹不常置權知府一人以待制以上充掌尹正畿甸之事以教法導民而勸課之中都

之獄訟皆受而聽焉小事則專決大事則稟奏若承旨已斷者刑部御史臺無輒糾察屏除寇盜有

姦伏則戒所隸官捕治凡戶口賦役道釋之占京邑者頒其禁令會其帳籍大禮橋道頓遞則爲之

使仗內奉引則差官攝牧其屬有判官推官四人日視推鞠分事以治而佐其長領南司者一人督

察使院非刑獄訟訴則主行之司錄叅軍一人折戶昏之訟而通書六曹之案牒功曹倉曹戶曹兵

曹法曹士曹叅軍各一人視其官曹分職蒞事左右軍巡使判官各二人分掌京城爭鬪及推

鞠之事左右廂公事幹當官四人掌檢覆推問凡鬪訟事輕者聽論決領縣十有八鎮二十有

四令佐訓練征權監臨巡警之官知府事者率統隸焉分案六置吏六百開封典司轂下自建隆以

來爲要劇之任至熙寧間僧給吏祿禁其受賕省衙前役以寬民力釐折獄訟歸於廂官而治事視前日損去十四元祐元年詔府界捕盜官吏隸本府與都大提舉司同管轄而掌其賞罰置新城內左右二廂三年以罷大理寺獄置軍巡院判官一員四年罷新置二廂六年王巖叟言左右廳推官公事詞狀初無通治明文請事繫朝省及奏請通治外餘並據號分治從之紹聖六年知府事錢勰言自祖宗以來並分左右廳置推官各一員近年止除推官元祐中並令分治請依故事分左右廳各除推官一員作兩廳共治職事又言熙寧中置舊城左右廂元豐初增置於新城內四年罷增置兩廂令請復置從之三年詔開封祥符知縣事自今選秩通判人充四年詔開封府所薦推判官並召對取旨崇寧三年蔡京奏乞罷權知府置牧一員尹一員專總府事少尹二員分左右二府之政事牧以皇子領之尹以文臣充在大曹尙書之下侍郎之上少尹在左右司郎官之下列曹郎官之上以士戶儀兵刑工爲六曹次序司錄二員六曹各二員叅軍事八員開封祥符兩縣置案倣此易胥吏之稱略依唐六典制度又請移開封府治所於舊尙書省從之

注

太宗眞宗嘗任府尹自至

道後知府者必帶權字蔡京乃以潛邸之號處臣下建置曹官以上凡十六員比舊增要官十一員

五年詔開封府屬官叅軍等並依舊員額大觀元年李孝壽乞增置府學博士一員從之詔開封六職閑劇不同如土曹之官惟主到罷批書而刑戶事繁自今凡士之婚田鬪訟皆在土曹餘曹倣此二年詔皇子領牧祿令如執政官又詔天下州郡並依開封府分曹置掾政和二年復置開封府學錢糧官一員五年盛章奏乞依尙書六部置架閣主管官一員宣和元年聶山奏司錄六曹官乞依省部少監封敘詔修入條令

臨安府舊爲杭州領浙西兵馬鈐轄建炎三年詔改爲臨安府其守臣令帶浙西同安撫使時置帥在鎮江府紹興駐驛臨安遂正稱安撫使置知府一員通判二員簽書節度判官廳公事節度推官觀察推官觀察判官錄事叅軍左司理叅軍右司理叅軍司戶叅軍司法叅軍各一員本府掌畿甸之事籍其戶口均其賦役頒其禁令城外內分南北左右廂各置廂官以聽民之訟訴

置焉

注

廂官許奏辟京朝官親民資序人充後以臣僚言罷城內兩廂官惟城外

分使臣十員以緝捕在城盜賊立五酒務置監官以裕財分六都監界分差兵一百四十八鋪以巡防烟火置兩總轄承受御前朝旨文字凡御寶御批實封有所收索則供進凡省臺寺監監司符牒



及管下諸縣及倉場等申到公事則受而理之凡大禮及國信隨事應辦祠祭共其禮料會聚陳其  
幄帘人使往來辦其舟楫皆先期飭於有司領縣九分士戶儀兵刑工六案內戶案分上中下案外  
有免役案常平案上下開折司財賦司大禮局國信司排辦司修造司各治其事置吏點檢文字都  
孔目官副孔目官節度孔目官觀察孔目官各一名磨勘司主押官正開折官副開折官各一人下  
名開折官二名押司官八人前後行守分二十一人貼司三十人乾道七年皇太子領尹事廢臨安  
府通判僉判職官置少尹一員日受民詞以白太子間日率僚屬詣宮稟事置判官二員推官三員  
有旨少尹比放知府判官比通判推官比幕職官其統臨職分並照從來條例九年皇太子解尹事  
臨安府知通僉判推判官並依舊置既據保義郎趙禮之狀臨安府依條合置兵馬監押一員經任  
監當四員初任監當闕一員昨皇太子領府尹更不差注今既辭免乞將宗室添差員闕依舊從之  
淳熙三年詔罷備攝官惟緝捕使臣十二員聽候差使六員許令辟置嘉泰四年詔臨安府添差不  
釐務總管路鈐二十員州鈐轄路分都監副都監二十員正副將十五員安撫司準備將領十五員  
州都監以下十員共以八十員爲額尋減總管路鈐五員開禧三年復省罷總管路分共六員

金

金制大興府設府尹以少尹判官推官佐之 按金史百官志大興府尹一員正三品掌宣風導俗肅清所部總判府事餘府尹同兼領本路兵馬都總管府事車駕巡幸則置留守同知少尹判官惟留判不別置以總判兼之同知一員從四品掌通判府事餘府同知同此少尹一員正五品掌同知總管判官一員從五品掌紀綱總府衆務分判兵案之事府判一員從五品掌諮議叅佐糾正非違紀綱衆務分判吏部工案事推官二員從六品掌同府判分判戶刑案事內戶推掌通檢推排簿籍 注 舊一員大定五年增一員

知事正八品掌付事勾稽省置文牘總錄諸案之事都孔目官女直司一員漢人司一員職同知事掌監印監受案牘餘都孔目官同此不常置省則吏目攝 注 六案司吏七十五人內女直十五人

漢人六十人司吏分掌六案各置孔目官一員掌呈覆糾正本案文書餘分前後行其他處應設十人以下六人以上者置孔目官三人及置提點所處仍舊女直司吏若十二人以上分設六案不及者設三案五人以下設一案通掌六案事以上名充孔目官

知法三員從八品女直一員漢人二員掌律令格式審斷刑名

注

抄事一人掌抄事目寫法狀以

前後行吏人選公使百人

女直教授一員東京北京上京河東東西路山東東西路大名咸平臨漢陝西統軍司西南招討司西北路招討司婆速路曷懶路速頻蒲與胡里改隆州泰州蓋州並同此皆置醫院醫正一人醫工八人

元

元大都初置留守司後置總管府以總大都路事按元史百官志大都路都總管府秩正三品達魯花赤二員都總管一員副達魯花赤二員同知二員治中二員判官二員推官二員經歷二員知事二員提控案牘四員照磨兼管勾一員令史九十有五人譯史二人回回令史一人通事知印各二人奏差二十一人國初爲燕京路總管大興府中統五年稱中東路至元九年改號大都二十一年始專置大都路總管府秩從三品置都達魯花赤都總管等官二十七年陞爲都總管府進秩正三品領府一州十有一凡本府官吏惟達魯花赤一員及總管推官專治路政其餘皆分任供需之